

春
秋
異
文
箋

皇清經解卷一千三百零三

學海堂

春秋異文箋

仁和趙徵君世著

隱公元年

左三月公及邾儀父盟于蔑

杜注邾今魯國鄒縣也蔑姑蔑魯地魯國卞縣南有姑城

釋文蔑亡結反

公三月公及邾婁儀父盟于昧

唐石經作昧注疏本作昧

釋文婁力俱反邾人語聲後曰婁故曰邾婁禮記同左氏穀

梁無婁字昧亡結反穀梁同左氏作蔑

穀三月公及邾儀父盟于蔑

唐石經作昧

釋文昧音蔑左氏作蔑

謹案列國方言有語聲在後者邾婁是也有語聲在前者句
吳於越是也卽人名亦然吳子壽夢寺人惠牆伊戾是也公
羊多齊言故邾作邾婁蔑昧音同義通 釋例世族譜邾今
魯國鄒縣是也 六書故邾鄒同聲實一字也春秋時邾莒
用夷故邾謂之邾婁亦兩音力俱切者合邾婁之音爲邾
力溝切者合邾婁之音爲鄒也輿地廣記曰今淄州鄒平縣
古鄒國也兗州鄒縣邾文公所遷本釋邑也有孟子冢 唐
韻正十八尤鄒古音則俱反公羊傳邾婁卽鄒字以一字爲
二字孟子題辭邾國至孟子時魯穆公改曰鄒 釋例土地
名魯地蔑姑蔑二名魯國卞縣南有姑蔑城 竹書紀年平
王四十九年魯隱公及邾莊公盟于姑蔑 說文首部蔑勞

目無精也从目人勞則蔑然从戌目部昧目不明也从目未

从目
从未

二年

左無駭帥師入極

釋文駭戶楷反

公同左氏

殺無駭帥師入極

釋文亥音該又戶楷反左氏作駭

謹案駭亥音義近古或通用 說文亥奇亥非常也从人亥
聲駭驚也从馬亥聲 莊子外物篇陰陽錯行則天地大絃

釋文絺音駭又音該

据此駭又與絺通

左氏 九月紀裂縹來逆女

羊公 九月紀履縹來逆女

釋文縹音須左氏作裂縹

案此陸氏所據木縹作縹

穀梁 九月紀履縹來逆女

釋文縹音須左氏作裂縹

謹案裂縹字子帛則左氏作裂縹爲正公穀裂作履聲之轉

縹作縹古今字說文玉篇無縹字 說文縹繪采色从糸需

聲讀若易縹有衣臣鉉等曰漢書傳符帛也 玉篇縹汝俱

切細密之羅也縹也又思俱切帛邊也古者過關以符皆帛

裂而分之若今券也 廣韻縹傳符帛縹衫縹帛也皆相侔

切 唐韻正十七薛裂上聲則音履春秋隱二年紀裂繻來
逆女公羊殺梁傳並作履繻

左氏紀子帛莒子盟于密

傳魯故也 注子帛裂繻字也莒魯有怨紀侯既昏于魯使
大夫盟莒以和解之稱字以嘉之也

公羊紀子伯莒子盟于密

傳紀子伯者何無聞焉爾 釋文紀子伯左氏作子帛

設同公羊

傳或曰紀子伯莒子而與之盟或曰年同爵同故紀子以伯
先也 釋文子伯如字長也左氏作子帛

謹案子伯之義公羊闕疑殺梁用兩或曰發傳亦傳疑之

杜氏以子帛爲裂繻字與鄭氏禮注合鄭氏釋裂繻名義較
玉篇爲得而義實相輔帛伯古通假 周禮考工記弓人箭
栗不迤注元謂栗讀爲裂繻之裂疏讀從隱元年左氏傳紀
裂繻來逆女彼裂繻字子帛則爲裂破衣義 禮記內則男
鞮革女鞮絲注鞮小囊盛帨巾者男用韋女用繒有飾緣之
則是鞮裂與詩云垂帶如厲紀子帛名裂繻字雖今異意實
同也正義云有飾緣之則是鞮裂與者言男女鞮囊之外更
有繒帛之物飾而緣之則是春秋桓二年所稱鞮裂者與疑
而未定故稱與案傳作鞮厲鄭此注云鞮裂厲裂義同也祇
謂鞮囊裂帛爲之飾又引詩云垂帶如厲者證厲是鞮囊裂
帛之飾也案彼注云而如也而厲如鞮厲也又引紀子帛名

裂繻者雖引毛詩以厲爲裂其義未顯故引紀子帛名裂繻者以證之言帛必分裂也云字雖今異意實同也者言古時厲裂通爲一字 積古齋鐘鼎彝器款識周帛女鬲銘帛女作齊鬲帛女卽伯女 經籍纂訪史記伍子胥傳伯嚭論衡作帛喜文選注作帛否 墨子備城門篇一帛尉注帛同伯三年

左 夏四月辛卯君氏卒

傳夏君氏卒聲子也又云不書姓爲公故曰君氏 注不書姓辟正夫人也 正義君氏者隱公之母聲子也謂之君氏者言是君之母

公 夏四月辛卯尹氏卒

傳尹氏者何天子之大夫也其稱尹氏何貶曷爲貶譏世卿
世卿非禮也 釋文尹氏左氏作君氏

穀
梁同公羊

傳尹氏者何也天子之大夫也 集解不書官名疑其譏世

卿 釋文尹如字周大夫也左氏作君氏

謹案公穀作尹亦聲之譌否則篆文殘脫當从左氏爲正

左氏昭二十年傳棠君尚釋文君或作尹 荀子大略篇堯

學於君疇注君疇漢書古今人表作尹壽新序堯學于尹壽

日知錄君氏卒以定公十五年嬖氏卒例之從左氏爲是

不言子氏者子氏非一故繫之君以爲別猶仲子之繫惠公

也若天子之卿則當舉其名不但言氏也或疑君氏之名別

無所見左傳襄公二十六年左師見夫人之步馬者問之對曰君夫人氏也蓋當時有此稱然則去其夫人卽爲君氏矣戰國齊有君王后

左氏 癸未葬宋穆公

公羊 癸未葬宋繆公

釋文宋繆公音穆左氏作穆凡此後放此

穀梁 同公羊

釋文繆音穆本亦作穆

謹案繆與穆通聲之轉耳 公羊隱元年傳注掇賢繆公釋

文繆音穆文十二年傳賢繆公也釋文繆音木襄二年傳齊

姜與繆姜釋文繆音穆 穀梁莊二十七年傳注繆公召縣

子而問焉釋文繆音穆 孟子公孫丑下昔者魯繆公音義
繆音穆萬章上以要秦繆公音義繆音穆 唐韻正一屋繆
莫六切去聲則音茂禮記檀弓繆公名縣子而問焉繆音木
大傳序以昭繆註繆讀爲穆聲之誤也坊記陽侯猶殺繆侯
而竊其夫人繆音穆春秋隱三年葬宋穆公公羊穀梁傳並
作繆僖四年葬許穆公宣三年葬鄭穆公成三年葬衛穆公
襄九年葬我小君穆姜同史記魯世家大公召公乃繆卜徐
廣曰古書穆字多作繆儒林傳繆生索隱曰繆音亾救反一
音穆晉書惠帝紀繆允繆音謬通鑑晉武帝紀繆蔚註繆靡
幼反又莫六反于慎行筆塵曰繆字與穆字通亦與繆字通
秦穆魯穆之謚皆以繆爲穆何曾賈充之謚又以繆爲謬

漢書異姓諸侯王表秦起襄公章文繆獻古今人表秦繆公

秦繆夫人鄭繆公蘭陳繆公晉繆侯燕繆侯蔡繆公衛繆公

曹繆公楚繆王

凡穆字皆作繆

息夫躬傳昔秦繆公不從百里奚蹇

叔之言師古曰繆讀曰穆鄒陽傳繆公委之曰政韓安國傳

昔秦繆公都雍師古曰繆讀與穆同荀子王制篇分未定

也則有昭繆注繆讀爲穆困學紀聞大戴禮記哀公問五

義云穆繆純純其莫之能循荀子云繆繆肫肫其事不可循

蓋古字通用列子目錄與鄭繆公同時釋文繆音穆

四年

左氏戊申衛州吁弑其君完

公同左氏

羊

通鑑卷之六十三 趙敬君春秋異文卷

穀
梁
戊申衛祝吁弑其君完

釋文祝吁左氏公羊及詩作州吁

謹案州祝亦聲轉 書金縢傳告謂祝辭釋文祝如字或之

又反洛誥逸祝冊釋文祝之又反一音之六反無逸否則厥

口詛祝釋文祝之又反 詩大雅蕩侯作侯祝釋文祝周救

反本或作咒非魯頌閔官箋謂爲之祝慶也釋文祝之又反

周禮天官女祝釋文祝之六反鄭徐之又反春官詛祝注

謂祝之釋文祝之又反大祝掌六祝之辭釋文祝之秀反後

除大祝宗祝諸官皆同以意求之夏官大馭馭下祝登受響

釋文祝之又反 儀禮士冠禮乃祝釋文祝之又反一音之

六反大射儀注天子祝侯曰釋文祝之又反聘禮僕爲祝祝

曰釋文上之六反不之又反士虞禮祝祝卒釋文劉下之又反
反特性饋食禮注祝曰釋文祝州又反少牢饋食禮祝祝曰
釋文下之又反 禮記曲禮下注皆祝辭也釋文祝之又反
又之六反曾子問大祝釋文祝之六反祝聲三釋文祝之六
反徐之又反祝曰釋文祝皇之六反舊之又反禮運作其祝
號釋文祝之六反徐之又反郊特性注此蜡祭祝辭也釋文
祝之六反又之又反詔祝於室釋文祝之六反又之又反雜
記下祝稱卜葬虞釋文祝之六反徐之又反 左氏成十七
年傳愛我者惟祝我釋文祝之又反襄十七年傳宋國區區
而有詛有祝釋文祝之又反昭二十年傳祝有益也釋文祝
之又反哀二十五年傳武伯爲祝釋文祝之六反又之又反

公羊襄二十九年傳飲食必祝釋文祝之又反又之六反
說文卽部羽呼雞重言之从卽从州聲讀若祝繫傳通釋
臣鍇曰重言之故从二口列僊傳有祝雞翁後人或作羽隻
逐反 音論平上去三聲固多通貫惟入聲但覺差殊然而
祝之爲州見於穀梁蒲之爲亳見於公羊若此之類不可悉
數 唐韻正一屋祝之六切平聲則音州春秋隱四年衛州
吁弒其君完穀梁傳作祝吁去聲則音祝史記齊世家使神
可祝而來正義曰祝音章受反漢書外戚傳飲酒醉地皆祝
延之祝音之受反後魏穆子容太公呂望碑辭言歸故鄉降
神巫祝徒厝泚水築室峰岫庭栽異木井依餘鬻巫祝作巫
祝當時人以祝字爲祝字之變體後人分爲兩字矣唐歐陽

詢書皇甫誕碑祝網泣辜作呪網。莊子天地篇請祝聖人
釋文祝之又反又州六反。春秋桓五年城祝邱藝文類聚
引洪範五行傳興州邱之役。

左氏九月衛人殺州吁于濮

公氏同左氏

梁穀九月衛人殺祝吁于濮

說見上

五年

左氏春公矢魚于棠

傳陳魚而觀之。注書陳魚以示非禮也書棠譏遠地也今

高平方輿縣北有武唐亭魯侯觀魚臺

公羊春公觀魚于棠

釋文觀魚左氏作矢魚

梁敘同公羊

傳常事曰視非常曰觀 釋文觀魚如字左氏作矢魚

謹案左氏傳以陳釋矢與觀魚義通古方音支眞部有通轉者眞諄臻文欣元魂痕寒桓刪山先仙同爲一部則觀之通矢亦無足異朱子王伯厚釋矢魚爲射魚其說似新存以備考爾雅釋詁矢陳也 史記魯世家隱公五年觀漁於棠集解賈逵曰棠魯地陳漁而觀之 困學紀聞朱文公曰據傳曰則君不射是以弓矢射之如漢武親射蛟江中之類案淮南時則訓季冬命漁師始漁天子親在射魚

左氏秋衛師入郈

釋文郈音成國名

公羊秋衛師入盛

釋文盛音成左氏作郈

穀梁同左氏

釋文郈音成

謹案盛有郈音故公羊作盛 易繫辭上成象之謂乾釋文

成象蜀才作盛象說卦終萬物始萬物者莫盛乎艮釋文盛

鄭音成云裏也 考工記匠人白盛注盛之言成也 左氏

宣二年傳盛服將朝釋文盛音成本或作成 釋文釋言語

成盛也 史記封禪書成山斗入海 漢書武帝紀幸琅邪

禮曰成山師古曰成山在東萊不夜縣斗入海郊志作盛山其音同郊祀志七曰日主祠盛山盛山斗入海師古曰盛音成 荀子王霸篇以觀其盛者也 注盛讀爲成

六年

左氏春鄭人來渝平

傳更成也 注渝變也正義曰變平者變更前惡而復爲和好又曰復虔云公爲鄭所獲釋而不結平於是更爲約束以結之故曰渝平

羊公春鄭人來輸平

傳輸平者何輸平猶墮成也何言乎墮成敗其成也曰吾成敗矣吾與鄭人未有成也 釋文輸式朱反墮也左氏作渝

平

梁同公羊

傳輸者墮也平之爲言以道成也來輸平者不果成也 釋
文輸失朱反墮也左氏作渝平

謹案隱公自元年以來並未與鄭人平則此書渝平不得爲
墮其成渝輸音近義同从左氏以更成釋渝平爲允 廣雅
釋詁輸更也疏證輸讀爲渝左氏春秋隱六年鄭人來渝平
傳云更成也公羊穀梁傳竝作輸輸渝古通用爾雅渝變也
變亦更也 困學紀聞詛楚文變輸盟刺卽渝字朱文公引
以證公穀鄭人來輸平卽左氏渝平也 老子道德經考異
唐傅奕定本質直若輸河上公王弼作渝古字通如春秋渝

平爲輸平是

八年

左氏三月鄭伯使宛來歸祊

釋文祊必彭反

公羊三月鄭伯使宛來歸邴

釋文邴彼命反又音丙左氏作祊

穀梁同公羊

釋文邴彼病反一音丙左氏作祊

謹案方丙古音通祊作邴亦假音周禮春官內史掌王之

八枋之灋釋文柄本又作枋兵病反儀禮士冠禮賓受禮

于戶東加柶面枋注今文枋爲柄士昏禮綌冪加勺皆南枋

注今文枋作柄少牢饋食禮加二勺于二尊覆之南柄注古
文柄皆爲枋 禮記禮通以四時爲柄釋文柄本又作枋兵
命反 穀梁古義穆天子傳云戊戌天子北入于邠郭璞曰
邠鄭邑左傳作枋古丙同字 毛詩古音攷說文仿相侶也
从人方聲又作柄云籀文仿从丙是方丙古通音也周禮八
枋亦音柄非其證乎 唐韻正三十八梗邠古音補往反春
秋隱八年鄭伯使宛來歸枋枋字公羊穀梁傳竝作邠九年
公會齊侯于防公羊傳作邠急就篇邠勝箱註邠一作枋音
柄又音丙案古字以丙从方多通用晉陸雲贈鄭曼季詩發
憤潛惟仞佛有思卽彷彿字玉篇仿方往切一作仞籀文柄
古音必漾反戰國策公仲柄得秦師史記甘茂傳作方 鵬

冠子王鈇篇成鳩之所枋以超等武靈王篇手握兵刃之枋而希戰注枋柄也

左氏九月辛卯公及莒人盟于浮來

注浮來紀邑東菴釋例土地名作莒縣北有邳鄉邳鄉西有公來山

號曰邳來間

公羊九月辛卯公及莒人盟于包來

釋文包來左氏作浮來

穀梁同公羊

釋文包音苞一音浮左氏作浮來

謹案蕭音肴豪尤幽部古多通轉禮檀弓鄭注秦人猶搖聲相近然則浮之通包亦方音之轉耳書武成篇血流漂杵

論衡語增篇作血流浮杵 詩大雅韓奕魚鱉鮮魚釋文魚

徐甫九反 禮記投壺篇若是者浮注浮或作匏 說文火

部焯烝也从火孚聲詩曰烝之焯焯繫傳通釋臣錯曰蒸氣

上出呂氏春秋有侏氏得嬰兒命焯人養之焯人庖人也附

柔反手部焯引取也从手孚聲抱焯或从包 說文本部抱

擊鼓杖也从木包聲 五經文字抱音浮鼓槌也 漢書酷

吏傳抱鼓不絕蕭該音義引字林曰抱擊鼓柄音浮 國語

齊語執枹鼓立於軍門舊音枹音浮 唐韻正十八尤部鹽

鐵論李斯與苞邱子同事荀卿苞邱子卽浮邱子也漢書楚

元王傳云浮邱伯者孫卿門人 水經注濁漳水篇漳水出

鹿谷山與發鳩連麓而在南淮南子謂之發苞山 呂覽本

味篇令焯人養之注焯猶庖也 儀禮少牢饋食禮二手執

挑匕枋以挹清注挑謂之敵讀如或春或抗之抗字或作挑

者秦人語也又云今文挑作抗

左氏冬十有二月無駭卒

公羊氏同左氏

穀梁氏冬十有二月無駭卒

說見二年

九年

左氏挾卒

公羊氏挾卒

釋文挾卒音協

穀同公羊

謹案挾俠音義通 詩大雅大明篇使不挾四方 韓詩外傳第五卷使不挾四方 方言第三卷挾斯敗也 廣雅釋詁俠斯敗也 疏證挾與俠通 玉篇挾戶頰切懷也持也俠胡頰切漢書云季布爲任俠有名注云俠之言挾也以權力俠輔人也 漢書禮樂志郊祀歌俠嘉夜莖蘭芳師古曰俠與挾同叔孫通傳殿下郎中俠陞師古曰俠與挾同 法言淵騫篇滕灌樊鄒曰俠介宋咸注俠與挾同持也

左氏冬公會齊侯于防
公冬公會齊侯于防
羊

釋文邴左氏作防

穀同左氏

集解防魯地

謹案防邴古字通 隸釋金鄉長侯成碑君諱成字伯盛山陽防東人也其先出自幽岐周文之後封于鄭鄭共仲賜氏曰侯厥口宣多曰功佐國要盟齊魯嘉會自邴因以爲家焉
餘說詳八年歸祊下

十年

左氏宋人蔡人衛人伐戴

唐石經初刻作戴後磨改作戴

注戴國今陳留外黃縣東南有戴城 釋文載音再字林作

戴云故國在陳留 正義地里志云梁國甯縣故戴國應劭曰章帝改曰考城古者甯戴聲相近故鄭元詩箋讀似戴爲

織留是其音大同故漢于戴國立留縣于晉屬陳留

案今本毛詩作

假

宋人蔡人衛人伐載

公

同公羊

穀

釋文載如字本或作戴

謹案說文戴作戴別有載戴二字錢宮詹曉徵云地邑名从邑多由經師增益然則古文或作戴戴載音義通古通用

毛詩古義陳留戴國本亦作載故隋時置載州顏籀以爲誤而駁蓋未知字之相通也 漢書五行志下之下滅戴師古

曰戴國今外黃縣東南戴城是也讀者多誤爲載故隋室置載州焉地理志下梁國留故戴國 續漢書郡國志三陳留

郡考城故留注陳留志曰古戴國地名 詩周頌緜衣篇載
弁俵俵箋載猶戴也釋文載如字又音戴同 爾雅釋言篇
注載弁俵俵 玉篇頁部戴弁俵俵 禮記曲禮篇前有水
則載青旌釋文載音戴木亦作戴月令篇載青旌釋文載音
戴儒行篇戴仁而行釋文載音戴木亦作戴 後魏刁遵墓
誌銘戴仁抱義 爾雅釋邱途出其前戴邱釋山石戴土謂
之崔嵬土戴石爲廵 釋名釋山石載土曰岨岨臆然也土
載石曰崔嵬因形名之也疏證載卽戴古通用釋邱道出其
前曰載邱釋姿容載戴也戴在其上也又云戴載也載之於
頭也 說文邑部載故國在陳留从邑戔聲異部戴分物得
增益曰戴从異戔聲車部載乘也从車戔聲 山海經大荒

東經一日方至一日方出皆載于烏 荀子解蔽篇唐鞅蔽

於欲權而逐載子注載讀爲戴戴不勝使薛居州傳王考見

孟子 列子黃帝篇襲者章戴有請于子釋文意載一本作

章戴 莊子庚桑楚篇昭景也著戴也釋文戴本亦作載

左氏冬十月壬午齊人鄭人入郕

公羊冬十月壬午齊人鄭人入盛

釋文入盛左氏作郕

穀梁同左氏

說見五年

十一年

左氏夏公會鄭伯于時來 脫五月二字

傳夏公會鄭伯于邾

注時來邾也。熒陽縣東有釐城，鄭地。

也。釋文邾音來釐音來。王元規力之反。

公羊夏五月公會鄭伯于邾黎

釋文邾音巨之反，又上之反。黎音力兮反，又力私反。左氏作

時來。

穀夏五月公會鄭伯于時來

謹案來古音釐，公羊作邾黎亦假音。左氏傳作邾，又時來之

合言耳。水經注濟水篇濟水又東南逕釐城，東春秋經書

公會鄭伯于時來，左傳所謂釐也。

案今本左傳作邾。

京相璠曰：今滎

陽縣東四十里有故釐城也。通雅疑始篇：隱十一年會時

來，公羊作邾黎，左文作邾，注滎陽縣東有釐城，鄭地也。釐音

來此不知來字古音黎又豈知聲音來之故 左氏襄二十
三年傳獲晏釐釋文釐力之反徐音來昭九年傳魏駘芮岐
畢注駘在始平武功縣所治釐城釋文釐他來反又音來一
音力之反本或作釐二十四年經杞伯郁釐卒釋文釐木又
作釐力之反又音來 公羊隱五年傳公曷爲遠而觀魚登
來之也禮記大學一人貪戾注引作登戾之 爾雅釋邱正
義淮南有州黎邱者州黎卽州來古者來黎音同 說文艸
部萊蔓秀也从艸來聲繫傳通釋臣錯案爾雅釐蔓秀注未
詳釐與萊音同 毛詩古音攻來音釐儀禮來女孝孫注云
來讀曰釐劉向傳貽我來牟作餽我釐粦萊音黎陸璣草木
疏萊藜也說文萊蔓秀爾雅作釐 史記封禪書設射狸首

狸首者諸侯之不來者集解徐廣曰狸一名不來 莊子逍
遙遊今夫麋牛其大若垂天之雲釋文麋郭呂之反徐李音
來又音離應帝王篇後狙之便執麋之狗來藉釋文麋音來
李音狸崔云旄牛也

靈川舉人秦培璠對字

皇清經解卷一千三百零二終

皇清經解卷一千三百零四

學海堂

春秋異文箋

仁和趙徵君埏著

桓公二年

左秋七月杞侯來朝

傳秋七月杞侯來朝不敬杞侯歸乃謀伐之九月入杞討不敬也

公羊秋七月紀侯來朝

殺梁同公羊

釋文紀侯左氏作杞侯

謹案左氏作杞侯與下文入杞相聯貫公羊作紀侯注以爲天子將娶于紀疏引八年冬遂逆王后于紀爲證然天子娶

于諸侯何待閱七年之久其說非是穀梁亦作紀集解亦以爲紀國杞紀音相近字亦相類公穀誤爲紀 詩商頌長發箋顧昆吾皆己姓也釋文己音紀又音杞 左氏文七年傳穆伯娶于莒曰戴己釋文己音紀一音杞 說文木部杞从木己聲系部紀从系己聲

三年

左氏 六月公會杞侯于鄆

傳公會杞侯于鄆杞求成也 注二年入杞故今來求成

公羊 六月公會紀侯于盛

釋文盛音成

梁穀 同左氏

集解郟魯地

杞紀互異說見二年杞侯來朝下郟盛互異說見隱五年入
郟下

五年

左氏天王使仍叔之子來聘

公羊同左氏

穀梁天王使任叔之子來聘

釋文任叔音王左氏作仍叔

謹案仍任音相近故假借 晉書地理志新補正第一卷仍

下注云沅案毛萇詩序雲漢仍叔美宣王也仍氏世爲周大

夫古仍任通用仍叔穀梁作任叔昭二十二年王師軍于汜

于解次于任人當卽仍叔之仍也

左氏

釋文冬蝻音終

公羊

釋文蝻音終本亦作蝻說文蝻或蝻字

穀梁同左氏

謹案蝻蝻字同蝻爲諧聲兼會意字 左氏僖十五年經八

月蝻釋文蝻音終本亦作蝻 公羊文三年傳注蝻猶衆也

起廢疾何休曰蝻猶衆也 說文蝻部蝻蝗也从蝻寔聲

吳古文終字蝻蝻或从虫衆聲

六年

左氏夏四月公會紀侯于成

注成魯地在泰山鉅平縣東南

公羊同左氏

穀梁夏四月公會紀侯于郕

釋文紀侯左氏作杞侯今本左氏經傳亦作紀

謹案成郕字同說見莊八年圍郕下杞紀互異說見桓二年杞侯來朝下

十一年

左氏公會宋公于夫鍾

釋文夫音扶

公羊公會宋公于夫童

釋文夫童音扶下音鍾又如字左氏作夫鍾

穀
梁同左氏

釋文夫音扶麋氏本鍾作童音鍾

謹案鍾音同音假借字 水經注淇水篇無棣溝枝瀆又東

南逕千童縣故城東史記建元以來王子侯者年表曰故重

也一作千鍾 案今本史記作千
鍾徐廣口一作重

十二年

左氏夏六月壬寅公會杞侯莒子盟于曲池

注曲池魯地魯國汶陽縣北有曲水亭

公羊夏六月壬寅公會紀侯莒子盟于毆蛇

釋文毆蛇邱于反又音曲侯反蛇音移又音池左氏作曲池

梁夏六月壬寅公會紀侯莒子盟于曲池

謹案曲池公羊作毆蛇假音字杞紀說見前 唐韻正三燭

曲平聲則音區春秋桓十二年公會杞侯莒子盟于曲池公

羊傳作毆蛇汲冢書作區蛇上聲則邱羽反去聲則邱具反

五臣註文選陸機漢高祖功臣頌云曲音區句反 漢書高

帝紀上又戰曲遇東蘇林曰曲音鱗師古曰鱗音邱羽反曹

參傳西擊秦將楊熊軍於曲遇師古曰曲音邱羽反周勃傳

攻曲遇師古曰曲音邱禹反樊噲傳從攻破楊熊於曲遇師

古曰曲音邱羽反 周禮職方氏其川虘池釋文池徒多反

禮記禮器晉人將有事於河必先有事於惡池釋文池大

河反 左氏襄二十二年傳而何敢差池釋文池徐本作沱

直知反一音徒何反 公羊成十七年傳注必先有事於惡池釋文池如字又大河反 毛詩古音攷池音沱詩白華沱池北流說文作滂沱漸漸之石俾滂沱矣史記作滂池 唐韻正五支池古音駝易離六五出涕沱若苟爽本作池春秋桓十二年公會杞侯莒子盟于曲池公羊作馱蛇蛇亦音沱史記秦紀樂池相秦正義曰池徒何反水經注滂沱作雩池揚子法言汙池作惡沱說文沱从水它聲臣鉉等曰沱招之沱通用此字今別作池非是 漢書平帝紀罷安定呼池苑師古曰池音大河反地理志上川曰虜池嘔夷師古曰池音徒何反 後漢書光武帝紀下無爲山陵陂池注陂音普何反池音徒何反 山海經北山經南注于虜池注呼佗二音

墨子兼愛中篇噤池之真注卽庫池河出今山西繁峙縣

古無池字卽沱異文故此亦以池爲沱也

風俗通云池者

陔池從水也聲

左氏傳隱三年正義引

通雅地輿篇詛楚文曰告盟于

不顯亞駢大神卽滹沱之神

說文殳部毆捶毆物也从殳

區聲它部它虫也从虫而長象宛曲垂尾形上古艸居處它

故相問無它乎凡它之屬皆从它

託何切

蛇或从虫

左

公會宋公子虛

注虛宋地

羊公

公會宋公子虛

釋文郊音談二傳作虛

穀

同左氏

謹案虛古多訓空以其有空音也鄉與空音之通轉猶垂隴
之作垂斂爾說文邑部鄉从邑炎聲廣雅釋詁三虛空
也人表攷秦不虛惟見尸子虛又作空管子弟子職志
母虛邾孫同元注攷工記釋人鄭司農注引志毋空邾

十四年

左氏鄭伯使其弟語來盟

公羊同左氏

穀梁鄭伯使其弟禦來盟

釋文御魚呂反本亦作禦左氏雜語

謹案語禦音同假借字班馬字類纂史記鍵元年表禦

正義曰禦兒在嘉興今為語兒鄉史記東越列傳樓船將

軍率錢唐轅終古斬徇北將軍爲禦兒侯正義禦字今作語
語兒鄉在蘇州嘉興縣南七十里臨官道也 漢書閩粵傳
樓船軍卒錢唐核終古斬徇北將軍爲語兒侯師古曰語字
或作籀或作籛其音同 國語吳語吾用禦兒臨之補音禦
或作語越語上北至於禦兒注今嘉興說兒鄉是也 越絕
書柴辟亭到語兒就李吳侵以爲戰地 水經注漸江水篇
浙江又東逕禦兒鄉萬善歷曰吳黃武六年正月獲彭綺是
歲由拳西鄉有產兒墮地便能語因是詔爲語兒鄉非也禦
兒之名遠矣

左氏 宋人以齊人蔡人衛人陳人伐鄭

公羊 宋人以齊人衛人蔡人陳人伐鄭

穀同左氏

謹案左氏定四年傳晉文公爲踐土之盟衛成公不在夷叔其母弟也猶先蔡杜注踐土名陵二會經書蔡在衛上霸土以國大小之序也子魚所言盟敵之次此經左氏穀梁蔡在衛上似亦以大小爲次公羊或傳寫之譌

十五年

左公會齊侯于艾

羊公會齊侯于鄆

釋文鄆戶老反又火各反左氏作艾穀梁作蒿

穀公會齊侯于蒿

釋文蒿左氏作艾公羊作鄆

謹案篆文艾字與莪字相類穀梁因譌爲蒿公羊又轉爲郃
皆文字殘蝕而譌也 釋例土地名齊地隱六年艾泰山牟

縣東南有艾山 說文艸部蒿从艸高聲邑部郃从邑高聲

撫古遺文恭艾艾艾 左氏宣十二年傳晉師在敖郃之

閒釋文郃苦交反哀四年傳取邢王欒郃釋文郃呼洛反韋
昭呼告反闕駟云讀確同 唐韻正十九鐸郃呼鶴切去

聲則音昊 史記秦本紀取王官及郃集解徐廣曰左傳作

郊燕世家粟腹將而攻郃集解徐廣曰在常山今日高邑

後漢書光武帝紀上行至郃注縣名今趙州高邑縣也郃音

火各反 國語周語上杜伯射王於郃舊音郃音皓

左氏冬十有一月公會宋公衛侯陳侯于袤伐鄭

注義宋地在沛國相縣西南 釋文袤昌氏反

公羊冬十有一月公會齊侯宋公衛侯陳侯于侈伐鄭

釋文侈昌示反二傳作袤

穀梁同左氏

謹案袤侈義近音同古通用公羊多齊侯二字古本左氏經亦當有齊侯字觀說文所引可證 釋例土地名宋地沛國相縣西南有侈亭 說文人部侈掩脅也从人多聲一曰奢也衣部移衣張也从衣多聲春秋傳曰公會齊侯于侈

十七年

左氏二月丙午公會邾儀父盟于雒

注雒魯地 釋文雒翠軌反

公羊 二月丙午公及邾婁儀父盟于蘄

梁穀 二月丙午公及邾儀父盟于蘄 汲古閣注疏本脫公字据唐石經增

謹案會與及三傳各有義例此經左氏作會公穀作及或由
聲誤 左氏隱元年經三月公及邾儀父盟于葭蕪史書魯
事以公爲主言公及及者言自此及彼據魯爲文也桓十七
年公會邾儀父盟于蘄彼言會此言及者彼行會禮此不行
會禮故也故劉炫云策書之例先會後盟者上言會下言盟
唯盟不會者直言及此爲不行會禮故言及也 公羊隱元
年傳及者何與也會及暨皆與也曷爲或言會或言及或言
暨會猶最也 注最聚也 及猶汲汲也暨猶暨暨也及我欲之暨不
得已也 穀梁隱元年傳及者何內爲志焉爾二年傳會者

外爲主焉爾

左氏五月丙午及齊師戰于奚

注奚魯地

公同左氏

注夏者陽也月者陰也去夏者明夫人不繫于公也

穀梁夏五月丙午及齊師戰于郎

釋文郎左氏作奚

謹案韻補以七之韻頤宦二字入陽韻以其有養音也支脂之微齊佳皆灰哈古音同爲一部七之韻字既得轉以陽韻則齊韻之通唐亦其類也穀梁奚作郎亦方音之轉左氏公羊無夏字穀梁有爲是 韻補十陽韻頤釋名頤養也動於

下應於上上下咀物以養人者也又曰百年日期頤頤者養也宦釋名東北隅爲宦宦養也東北陽氣始生布生物也

石經考文提要春秋左傳桓公十有七年五月丙午及齊師戰于奚監本五月上有夏字案正義云桓十七年無夏以此起例足徵本無今从唐石經春秋集解春秋集注 春秋序正義曰四時必具乃得成年桓十七年五月無夏昭十年十二月無冬二者皆有月而無時既得其月時則可知仲尼不應故闕其時獨書其月當是仲尼之後寫者脫漏

十八年

左氏春王正月公會齊侯于濼公與夫人姜氏遂如齊
公羊春王正月公會齊侯于濼公夫人姜氏遂如齊

傳公何以不言及夫人夫人外也夫人外者何內辭也其實
夫人外公也

穀
同左氏

謹案公羊脫與字傳者据以爲解

靈川舉人秦培璠對字

皇清經解卷一千三百零四終

皇清經解卷一千三百零五

春秋異文箋

莊公元年

左夏單伯送王姬

注單伯天子卿也單采地伯爵也王將嫁女於齊既命魯爲主故單伯送女不稱使也

公夏單伯逆王姬

傳單伯者何吾太夫之命乎天子者也何以不稱使天子召而使之也逆之者何使我主之也 釋文逆王姬左氏作送

王姬

穀同公羊

傳單伯者何吾大夫之命乎天子者也命大夫故不名也

釋文逆王姬左氏作送王姬

謹案左氏傳正義曰單氏世仕王朝此及文公之世皆云單伯成公以下常稱單子此時稱伯後降爲子耳据此則單伯爲王卿固不待言故左氏經作送王姬送逆字相近公穀爲作逆遂以單伯爲魯大夫似未可信當以左氏爲正 釋例世族譜單氏單伯食采於單襄公單伯之子頃公襄公之子靖公頃公之子獻公靖公之子成公獻公之弟也穆公旗卽公子愆單伯之子武公穆公之子

二年

氏左冬十有二月夫人姜氏會齊侯于禚

注 黹齊地 釋文 禚諸若反

公羊 冬十有二月夫人姜氏會齊侯于禚

釋文 部古報反 二傳作禚 四年亦爾

案四年經左氏作禚 公羊作部 穀梁亦作常 不

作禚

穀梁 同左氏

釋文 禚章略反

謹案說文示部無禚字 禾部有之 禚从羔得齊與部音相近

故公羊假部爲禚 說文邑部部从邑告聲 禾部 禚从禾羔

聲 玉篇 禚之若切 齊地名部 故到切 濟陰成武縣東南城

名 唐韻 正十八 藥 禚之若切 去聲 則音告 春秋莊二年夫

人姜氏會齊侯于禚 四年公及齊人狩于禚 公羊 穀梁 傳 並

作部 莫灘山先生云案禱字廣韻藥部注曰齊地名又廣韻沃部部字音古沃切又有稊字亦古沃切注云禾皮又地名玉篇禾部稊注云之弱枯督二切禾皮也又齊地名左穀作禱似因稊字誤作禱說文無禱字也稊與部有同音之互用

三年

左氏冬公次于滑

注滑鄭地在陳留襄邑縣西北

公羊冬公次于郎

案同公羊

謹案滑爲皆部入聲字滑之轉郎與奚之轉郎同 釋例土

地名鄭地滑陳留襄邑縣西北有滑亭

說文邑部郎从邑良聲水部滑从水骨聲 玉篇水部滑戶

八切又古忽切 廣韻十一沒滑古忽切

四年

左春王二月夫人姜氏享齊侯于祝丘 唐石經亦作享

公春王二月夫人姜氏饗齊侯于祝丘

梁穀同公羊

釋文饗本又作享

謹案享饗音義同 書無逸肆中宗之享國七十有五年又

肆高宗之享國五十有九年又肆祖甲之享國三十有三年

又文王受命惟中身厥享國五十年史記魯周公世家皆作

皇清經解

卷二十一 夏筮

趙徵君春秋異文箋

三

饗 儀禮聘禮小聘曰問不享釋文享本又作饗 禮記曲禮上食饗不爲槩釋文饗本又作享聘義主君弗親饗食也 釋文享本又作饗 左氏莊十七年傳饗齊戊釋文饗本又作享 孝經爲之宗廟以鬼享之釋文享又作饗 說文食部饗鄉人飲酒也从食从鄉鄉亦聲高部高獻也从高省曰象進孰物形孝經曰祭則鬼享之 國語魯語天子所以饗元侯也周禮鍾師杜子春注引作享 荀子禮論饗尚元酒而用酒醴注饗與享同

四年

左氏冬公及齊人狩于禚

羊冬公及齊人狩于部

穀
梁同公羊

釋文部古報反左氏作禱

說見二年

五年

左
氏秋邾犁來來朝

注附庸國也東海昌慮縣東北有邾城犁來名 釋文邾五

兮反國名後爲小邾犁力兮反 正義邾之上世出于邾國

世本云邾顏居邾肥徙邾宋仲子註云邾顏別封小子肥于

邾爲小邾子則顏是邾君肥始封邾譜云小邾邾俠之後也

夷父顏有功于周其子友別封爲附庸居邾曾孫犁來始見

春秋附從齊桓以尊周室命爲小邾子穆公之孫惠公以下

春秋後六世而楚滅之世本言肥杜譖言友當是一人僖七年經書小邾子來朝知齊桓請王命命之

公羊秋倪黎來來朝

釋文倪五兮反二傳皆作鄒

梁秋鄒黎來來朝

釋文鄒五兮反黎來郎兮反

謹案鄒倪二字古祇作倪从人从邑皆後起字黎黎通假字

班馬字類倪史記萬石傳倪寬音倪漢書倪音五奚反

漢隸字原楊統碑陰倪銀字伯玉卽西漢倪寬爲倪 六書

正譌倪別作倪非 漢書古今人表王倪師古曰倪音五奚

反人表攷王倪始見莊子齊物論應帝王天地篇 後漢書

鏡期傳從擊王郎將兜宏劉奉於鉅鹿下注兜音五奚反景
丹傳從擊王郎將兜宏等於南蠻注兜音五兮反馬嚴傳揚
州刺史倪說注倪音五兮反趙孝傳又齊國兜萌子明注兜
音五兮反南蠻傳九真太守兜式戰歿注兜五兮反 隸釋
楊統碑陰兜銀字伯玉洪景伯云前史已嘗書倪寬爲兒此
有兒銀乃知兩京之所通用楊震碑陰沛國兒伯玉 列女
傳母儀傳所與遊處者皆黃耄倪齒也 鹽鐵論刺復篇自
千乘兒寬以治尙書位冠九卿文學曰兒大夫開口不言

漢隸字原靈臺碑犂元顛榮三公山碑羣碑百姓義皆作黎
樊毅脩華嶽碑黎民時離辛通達造橋碑撫育犂元張表碑
劉寬碑陰黎陽皆作犂 隸釋成陽靈臺碑犂元顛榮樊毅

脩華嶽碑犂民時雖張公神碑監犂陽營謁者李君又朝歌
蕩陰及犂陽三公山碑羣犂百姓冀州從事張表碑俾守犂
陽陳球碑陰故吏犂陽郭口蜀郡屬國亭逋李仲會造橋
碑撫育犂九益州太守無名碑犂兆安土 隸續劉寬碑陰
門生名魏郡犂陽張乾 南江札記左氏傳成十五年伯州
犂奔楚潛夫論作伯州犂

六年

左氏春王正月王人子突救衛

羊公春王三月王人子突救衛

穀梁同公羊

謹案三傳無明文未詳孰是

左氏冬齊人來歸衛俘

傳冬齊人來歸衛寶文姜請之也 注公羊穀梁經傳皆言
衛寶此傳亦言寶唯此經言俘疑經誤俘囚也 正義釋例
曰齊人來歸衛寶公羊穀梁經傳及左氏傳皆同唯左氏經
獨言衛俘考三家經傳有六而其五皆言寶此必左氏經之
獨誤也案說文保从人臬省聲古文像不省然則古字通用
寶或像字與俘相似故誤作俘耳杜旣以爲誤而又解俘爲
囚是其不敢正決故且從之

公羊冬齊人來歸衛寶

釋文衛寶左氏經作衛俘

梁同公羊

謹案左氏經作保乃保字之譌保古與寶通 易繫辭下聖人之大寶曰位釋文寶孟作保 周易古義繫辭下聖人之大寶曰位孟喜本作大保保古寶字漢尙方鑑云壽比金石之固保 書金縢篇無墜天之降寶命史記魯世家作無墜天之降葆命 鐘鼎款識許子鐘永保鼓之楚卣仲南和鐘子孫永保用之齊侯鍾子孫永保用高齊侯鍾子孫永保用高王子吳鼎永保用之齊侯匜永保用其公匜子孫永保用之孟姜匜永保用之齊侯槃永保用卣仲盃永保用之 史記周本紀命南宮括史佚展九鼎保玉集解徐廣曰保一作寶留侯世家取而葆祠之集解徐廣曰史記珍寶字皆作葆 隸續李氏鏡銘明如日月世之保洪云以保爲寶

七年

左氏夏四月辛卯夜恒星不見夜中星隕如雨

羊公夏四月辛卯夜恒星不見夜中星隕如雨

釋文辛卯夜一本無夜字穀梁作昔

穀梁夏四月辛卯昔恒星不見夜中星隕如雨

釋文昔如字本或作宵同

謹案夜昔古音同故古書昔多訓夜从本韻訓也隕作賁亦

通假字 左氏哀四年傳爲一昔之期注夜結期 穀梁古

義七年經辛卯管傳日入至于星出謂之管王逸云管夜也

詩云樂酒今管今詩作夕崔謨莊子注曰管夕也天官管人

注云管之言夕也管子小匡云旦管從事旦管猶旦夕也管

亦訓夜者列子曰尹氏有老役夫咎咎夢爲國君張湛云咎咎夜夜也 毛詩古音改夜音裕咎咎音錯考工記弓人老牛之角紵而咎鄭司農云咎讀爲交錯之錯 唐韻正四十禡夜羊謝切古音羊茹切二十二咎咎思積切古音鷓說文措鹵錯層斷錯端皆以咎得聲 後漢書張衡傳發昔夢於木禾兮注咎夜也 新書匈奴篇昔時乃爲戎樂春秋篇是昔也惠王之後而蛭出盧紹弓云昔夜也 莊子齊物論未成乎心而有是非是今日通越而昔至也釋文崔云昔夕也天運蛟虬嗜膚則通昔不寐矣釋文昔夜也 說文雨部質雨也齊人謂露爲質从雨員聲一日雲轉起也阜部隕從高下也从自負聲易曰有隕自天 玉篇雨部質爲閔切雷起出

兩也阜部隕爲愍切落也墮墜也 班馬字類賈史記宋世家
家賈星如雨漢書司馬相如傳賈隊卽隕字春秋左氏傳有
亦無賈 隸續防東尉司馬李德碑不賈其功嚴訢碑顛賈
徂落斥彰長田君斷碑家賈絃獲 晏子春秋內篇問上下
善政之所失于下賈墜下民者衆矣音義賈卽隕假音字

八年

左甲午治兵

傳治兵于廟禮也

羊公甲午祠兵

傳祠兵者何出曰祠兵八曰振旅其禮一也皆習戰也注禮
兵不徒使故將出兵必祠于近郊陳兵習戰殺牲饗士卒

釋文祠兵音辭祭也左氏作治兵

穀梁同左氏

傳出曰治兵習戰也入曰振旅習戰也

謹案公羊作祠兵聲之誤 五經異義公羊說甲午祠兵師

出曰祠兵入曰振旅祠者祠五兵矛戟劍楯弓矢及祠蚩尤之造兵者左氏說甲午治兵爲校兵于廟謹案三朝記曰蚩尤庶人之强者何兵之能造駁曰祠兵者公羊字之誤以治爲祠因而作說如此周禮司馬職曰仲夏教茆舍仲秋教治兵其下皆云如戰之陳仲冬教大閱脩戰法虞人萊所出之野乃爲之如是治兵之屬皆習戰非校兵于廟又無祠五兵之禮 詩小雅采芑箋春秋傳曰出曰治兵入曰振旅正義

此引春秋傳者莊八年公羊文也公羊爲祠兵此言出日治兵者諸文皆作治兵明彼爲誤故經改其文而引之

左氏夏師及齊師圍郕郕降于齊師

公羊夏師及齊師圍成成降于齊師

傳成者何盛也盛則曷爲謂之成諱滅同姓也注因魯有成邑同聲相似故云爾 釋文成如字二傳作郕

梁穀同左氏

謹案成爲郕本字成又與盛通 左氏隱五年傳衛之亂也郕人侵衛故衛師入郕注郕國也東平剛父縣西南有郕鄉文十一年傳郕太子朱儒自安於夫鍾釋文郕音成襄十六年經齊侯伐我北鄙圍郕釋文郕音成 釋例土地名郕地

東平剛父縣西南有成鄉土地名盟會圖疏廓在濮州雷澤
武王封季載於廓 春秋繁露玉英篇變盛謂之成諱大惡
也 公羊古義傳云成者盛也盛則曷爲謂之成諱滅同姓
也案成本盛國成與盛通故釋名云成盛也穆天子傳云盛
姬盛伯之子郭璞云盛國名文十二年盛伯來奔是盛國伯
爲二傳皆作廓僖二十四年左氏傳云管蔡廓霍文之昭也
是盛爲姬姓故穆天子傳云天子賜盛伯爲上姬之長廓後
爲魯邑昭七年左氏傳云晉人來治杞田季孫將以成與之
說文云廓魯孟氏邑是廓與成一也故此傳云諱滅同姓郡
國志云濟北成縣本成國舊屬泰山郡地理志泰山有式縣
式當爲成 史記項羽本紀別攻城陽正義地理志云城陽

屬濟陰郡古郕伯國姬姓之國史記周武王封季弟載于郕
其後遷于城之陽故曰城陽 續漢書郡國志三濟北國成
本國注左傳衛師入郕 通典唐制雷澤縣屬濮州古郕伯
國也 南江札記左氏傳僖二十四年郕潛夫論作成 列
子天瑞篇孔子遊於太山見榮啓期行乎郕之野釋文郕音
成魯之邑名

九年

左氏公及齊大夫盟于莒

注莒魯地琅邪緡縣北有莒亭

公及齊大夫盟于豎

釋文暨其器反左氏作既

穀
梁同公羊

釋文暨其器反左氏作既

謹案既暨通假字 左氏隱六年傳猶懼不既注既至也
玉篇旦部暨其器切與也至也

左
氏夏公伐齊納子糾

正義公羊傳曰糾者何公子糾也何以不稱公子君前臣名
也何休曰嫌當爲齊君在魯君前不爲臣禮故去公子見臣
于魯也賈逵云不言公子次正也公羊之說不可通于左氏
次正不稱公子其事又無所出案今定本經文糾之上且有
子字自外入內不稱公子者多惟有楚公子比稱公子蓋告
辭有詳略故爲文不同

公夏公伐齊納糾

釋文納糾左氏經亦作納子糾

穀同公羊

集解不言子糾而直云糾者盟繫在于魯故擊之也 釋文

納糾左氏作子糾

謹案左氏古本作糾與公穀同 經義雜記十五春秋莊九

年夏公伐齊納糾左氏公穀經並同今左氏經作納子糾子

衍文沿唐定本之誤也正義於此引賈逵云不言公子次正

也又於後九月齊人取子糾殺之下引賈逵云稱子者愍之

可證賈景伯本於此無子字正義本作納糾原注今正義標

起至有子字此近人故引公羊傳云糾者何公子糾也及何休賈逵說又云

公羊之說不可通於左氏次正不稱公子其事又無所出案
今定本經文糾之上且有子字自外入內不稱公子者多唯
有楚公子比稱公子蓋告辭有詳略故爲文不同則正義雖
不從公羊及賈氏說亦以自外入內不稱公子者多間有稱
公子者以告辭有詳略故耳則此無子字甚明至引定本有
子爲證以難舊義則孔氏之疏也又取子糾不引公羊傳云
其稱子糾何貴也及何休賈逵說又云案定本上納子糾已
稱子則此言子非愍之也沈云齊人稱子糾故魯史從其所
稱而經書子糾知者傳云子糾親也請君討之豈復是愍之
乎劉與賈同沈文何駿賈劉炫從賈其意雖異然卽此可推
至是始稱子前但稱糾而已公羊釋文云納糾左氏經亦作

納子糾既云亦作納子糾便知本作納糾矣據賈沈劉孔與
公羊釋文知自漢至六朝以及隋唐皆作納糾公羊疏云無
子字者與左氏經異穀梁釋文云伐齊納糾左氏作子糾此
皆爲定本所誤也

十年

左氏秋九月荆敗蔡師于莘以蔡侯獻舞歸

公同左氏

穀梁秋九月荆敗蔡師于莘以蔡侯獻武歸

釋文獻武本亦依左氏作舞

謹案舞武音義通 詩序維清奏象舞也 獨斷上維清奏

象武之所歌也 論語射不主皮集解馬融曰射有五善一

曰和志體和也二曰和容有容儀也三曰主皮能中質也四曰和頌合雅頌五曰興武與舞同也 釋名釋言語武舞也征伐動行如物鼓舞也 隸釋武梁祠堂畫象秦武陽洪云碑以秦武陽爲秦舞陽

十二年

左氏秋八月甲午宋萬弑其君捷及其大夫仇牧
羊公秋八月甲午宋萬弑其君捷及其大夫仇牧

釋文接左氏作捷 疏正本皆作接字故賈氏云公羊殺梁曰接是也

按

同左氏 唐石經脫及其大夫仇牧六字汲古閣本亦脫

謹案捷接音同義通 周易晉卦畫日三接釋文接如字鄭

音捷勝也 左氏桓六年傳接以大牢釋文接如字鄭注禮

記作捷讀此者亦或捷音 禮記古義接以大牢注云接讀

爲捷捷勝也謂食其母使補虛強氣也棟案接與捷通故訓

爲捷鄭氏周易晉卦云晝日三接注云接勝也音捷是讀爲捷

春秋經云宋萬弑其君捷賈逵云公羊穀梁曰接大戴禮官

人云九用八曰取接給而廣中者接給猶捷給也案大戴禮

給而善對者謂之承亦捷給也 禮記曾子問接祭而已矣注不迎尸也

爾雅釋詁接捷也注捷謂相接續也正義荀子大略篇先事

慮事謂之接楊倞注接讀爲捷速也 吳越春秋句踐陰謀

外傳女卽捷末藝文類聚引此捷作接 新書保傅篇捷給

而善對者謂之承 晏子春秋內篇諫下公孫接音義藝文

類聚後漢書注作捷 通雅釋詁魏武紀注抄集諸家兵法
名曰接要接與捷通鄭伯捷公羊作接可證 列子黃帝篇
猶應景響注接悟之速 莊子人間世若唯無詔王公必將
乘人而鬪其捷釋文捷崔作接其接引續也

十三年

左氏春齊侯宋人陳人蔡人邾人會于北杏

公羊春齊侯宋人陳人蔡人邾婁人會于北杏

穀梁春齊人宋人陳人蔡人邾人會于北杏

傳是齊侯宋公也其曰人何也始疑之何疑爲桓非受命之
伯也將以事授之者也曰可矣乎未乎舉人眾之辭也

謹案北杏之會爲齊桓九合之一不當貶稱人穀梁譌作人

速從而爲之辭

十五年

左氏秋宋人齊人邾人伐郟

公羊秋宋人齊人邾婁人伐郟

釋文兜音郟

穀梁同左氏

謹案兜郟古今字說互見莊五年郟犁來來朝下 公羊莊

八年經冬十有一月癸未齊無知弑其君諸兜釋文兜如字

一音五兮反 穀梁釋文同上 論語皇侃義疏襄公者是

齊僖公之適子名諸兜作倪字呼 漢書古今人表王兜師

古曰兜音五奚反律歷志上是時御史大夫兜寬明經術師

古曰兜音五奚反藝文志兜良一篇師古曰兜音五奚反陳勝項籍傳贊兜良師古曰兜音五奚反游俠傳臨淮兜長卿師古曰兜音五奚反元和姓纂兜邾犁來之後亦爲兜氏十六年

左氏冬十有二月會齊侯宋公陳侯衛侯鄭伯許男滑伯滕子同盟于幽

注書會魯會之不書其人微者也言同盟服異也

公羊冬十有二月公會齊侯宋公陳侯衛侯鄭伯許男曹伯滑伯滕子同盟于幽

穀梁冬十有二月會齊侯宋公陳侯衛侯鄭伯許男曹伯滑伯滕子同盟于幽

謹案左氏無公字杜氏以爲使微者會夫以齊桓之盛而魯
敢使微者與之會于理未可信當是脫文左氏無曹伯二字
亦脫漏 古經解鈎沈十六引折衷云左氏穀梁無公字闕
文也

十七年

左氏春齊人執鄭詹

公羊春齊人執鄭詹

釋文鄭詹二傳作詹

穀梁同左氏

謹案詹詹古今字 詩攷魯頌閟宮魯邦所詹說苑雜言篇
魯侯是瞻韓詩外傳三風俗通山澤篇初學記五考文古本

作魯邦所瞻御覽三十九作魯邦是瞻 左氏僖二十二年
傳叔詹曰楚王其不沒乎史記宋世家叔瞻曰成王無禮其
不沒乎 說文八部詹多言也从言从八从尸繫傳通釋臣
錯曰詹亦詹也故爲多言八分別也产音牛毀反仰也故爲
詹此會意 六書故瞻職廉切仰視也古單作詹詹職廉切
莊周曰大言炎炎小言詹詹經傳用爲詹望詹仰之詹別作
瞻 史記周本紀顧詹有河粵詹雒伊 逸周書度邑解顧
瞻過于河宛瞻于伊雒 莊子讓王篇中山公子牟謂瞻子
曰釋文瞻淮南作詹

左

夏齊以殲于遂

注殲盡也 正義殲盡也釋詁文舍人曰殲衆之盡也 釋

文戮子廉反

公羊夏齊人戮于遂

傳戮者何戮積也衆殺戍者也 注戮者死文戮之爲死積
死非一之辭故曰戮積 疏曲禮下篇云四足曰漬鄭注云
異于人也漬謂相戮汚而死是也 釋文戮子廉反二傳作
戮積本又作漬

案同左氏

謹案公羊作戮音同義通 說文攴部戮微盡也从攴戮聲
春秋傳曰齊人戮于遂水部戮漬也从水戮聲爾雅曰泉一
見一否爲戮

左氏秋鄭詹自齊逃來

春秋鄭瞻自齊逃來

梁同左氏

說見上

二十年

左氏冬齊人伐我

公羊同左氏

穀梁冬齊人伐我

謹案戎我字相類穀梁作伐我或因十九年冬齊人宋人陳

人伐我西鄙而譌 撫古遺文 戎我

二十二年

左氏春王正月肆大眚

注赦有罪也 釋文省所景反 正義肆大省者肆緩也省過也緩縱大過是赦有罪也

公羊春王正月肆大省

傳肆者何跌也大省者何災省也 注跌過度 釋文大省所景反二傳作省 疏省讀如減省之省也

穀同左氏

傳肆失也省災也 疏肆大省者謂放失大罪惡

謹案公羊作省假音字 書說命中惟干戈省厥躬釋文省息井反一本作省洪範王省惟歲史記宋世家王省維歲集解馬融曰言王者所省職如歲兼四時也康誥人有小罪非省釋文省所領反本亦作省潛夫論述赦篇引康誥人有小

罪非省又乃惟省哉 爾雅釋邱水出其前省邱釋文渚本
或作渚字所景反 逸周書諡法解治而清省曰平不省兆
民曰思史記正義治而無省平大省兆民思 龍城札記一
古省省通用周禮大司徒省禮卽省禮

左 陳人殺其公子御寇

釋文御音禦本亦作禦

公 陳人殺其公子禦寇

穀 同公羊

釋文禦魚呂反又作御

謹案御音義通 書牧誓弗迓克奔釋文迓五嫁反馬作
禦禁也正義曰王肅讀御爲禦罔命其侍御僕從釋文御如

字一音禦 詩谷風亦以御冬釋文御魚據反禦也徐魚舉
反一本下句卽作禦字繇子曰有禦侮釋文御魚呂反本又
作禦音同 周禮馬質注鄭司農云亢御也釋文御魚呂反
本亦作禦 左氏襄四年傳季孫不御注御止也正義止寇
謂之禦御猶禦也故訓爲止 左氏莊十一年傳公子御說
之辭也釋文御魚呂反本或作禦二十四年傳御孫諫釋文
御魚呂反本亦作禦二十八年傳闕御彊釋文御魚呂反本
亦作禦僖二十二年傳不設備而禦之釋文御魚呂反本亦
作禦文七年傳華御事爲司寇釋文禦魚呂反本又作御音
同十一年傳司徒皇父帥師禦之釋文御魚呂反本亦作禦
昭元年傳主不能禦釋文御魚呂反本亦作禦哀十一年傳

二子從公禦諸竟釋文御魚呂反本又作禦十四年傳侍人
禦之釋文御魚呂反本亦作禦 穀梁桓十四年經鄭伯使
其弟禦東盟釋文御魚呂反本亦作禦 爾雅釋言禦圍強
也釋文禦本作御 說文冫部禦祀也从冫御聲彳部御使
馬也从彳从卸繫傳通釋臣踏曰卸解車馬也彳行也或行
或卸皆御者之職也會意取古文御从又馬 六書故御牛
據切給侍左右前後也又魚舉切與禦通 漢書五行志下
之上其御厥罰師古曰御讀曰禦又下之下同谷永傳若不
其御師古曰御讀曰禦 荀子榮辱篇於是又節用御欲注
御或作禦 莊子在宥篇注矯詐生而禦奸之器不其者未
之有也釋文禦魚呂反本作御音同

二十六年

左氏春公伐戎

羊公伐戎

穀同左氏

謹案春爲歲之始不應於此年獨去春字唐公羊石經首數字泐以每行十字計之似亦無春字陸淳春秋纂例亦云無春字然疏引經文作春公伐戎則此春字爲傳寫者脫去耳當从左穀爲正

二十八年

左氏公會齊人宋人救鄭

羊公會齊人宋人邾婁人救鄭

穀
梁同左氏

謹案公羊有邾婁人三字或衍文

左
氏冬築郿

注郿魯下邑 釋文郿亡悲反

公
羊冬築微

釋文微左氏作麋

穀
梁同公羊

釋文微左氏作麋

謹案公穀郿作微或假音字水經注則以微爲是公穀釋文

云左氏作麋麋眉古字通 水經注濟水篇濟水又北逕微

鄉東春秋莊公二十八年經書冬築郿京相璠曰公羊傳謂

之微東平壽張縣西止三十里有故微鄉魯邑也杜預曰有
微子冢 釋例土地名小國地倍六年微東平壽張縣西北
有微鄉微子冢 案此杜氏以
鄆微爲二地 儀禮士冠禮眉壽萬年注古
文眉作麋少牢饋食禮眉壽萬年注古文眉爲微 詩巧言
居河之麋釋文麋本又作湄音眉 左氏僖二十八年傳余
賜女孟諸之麋注孟諸宋蕞澤水草之交曰麋正義曰釋水
云水草交爲湄李巡曰水中有草木交會曰湄古字皆得通
用故此作麋耳

三十年

左夏次于成

注將卑師少故直言次齊將降郟故設備

公夏師次于成

穀梁同公羊

謹案左氏莊三年傳凡師一宿爲舍再宿爲信過信爲次則次爲師再宿以後之辭此年經左氏無師字或脫字

三十二年

左氏春城小穀唐石經同

傳三十二年春城小穀爲管仲也注小穀齊邑齊北穀城縣城中有管仲井大都以名通者則不繫國

公羊春城小穀

疏二傳作小字與左氏異

穀梁同公羊

謹案經書小穀別于桓七年穀伯綏來朝之穀今本左氏經亦作城小穀公羊疏以爲二傳作小字與左氏異或所據本不同

左氏冬十月己未子般卒

公羊冬十月乙未子般卒

梁穀同公羊

謹案釋例春秋長麻莊公三十二年十月戊午朔大又云十月己未二日則十月不得有乙未乙未爲十一月八日公穀作乙未字之譌

靈川舉人秦培璠對字

皇清經解卷一千二百零五終